考

信

錄

1991年了11日本 於禁善政尚有復存者乎且湯之事與一角不同湯承先世之 業湖起一方自相土上甲微以來必有長法善政宜於民而 商考信錄者何華亂也夏自太康失道已非禹之舊矣况王 商考信錄自序 商何爲始於契也莫爲之前則崛起者難爲功契敷教以啟 於堯舜禹之心然湯之事不能不異於堯舜禹之事湯所處 不當變者此固不得改之而復遵夏政也盖湯之心無以異 之勢然也何以不言殷考信錄也殷其所居地名非國號也

於禹也 相湯以王天下歷相數世卒定商業故特表之猶早陶之附 商故叙湯之政必追述之也伊尹何以門於湯之後也伊尹

	祖乙	太甲	老二	新伊尹	成湯上	契	老	高半 信餘目
.	盤庚	太戊			成場下	相土		

	帝乙)	10年十年第
	衬		

洪水芒芒禹敷下土方外大國是疆幅隕既長有娀方將帝 天命元鳥降而生商宅殷土芒芒有商 立于生商月 商考信錄卷之一 17 12 XE 備覽() 契母有娀氏之女契長而佐禹治水有功封於 契 大名崔述東壁謹考 父業門人石屏 陳履和校刊

雨才作到 卷之 商賜姓子氏史 者鄭氏康成遂采之以箋詩由是世多信之余按毛 史記殷本紀云殷契母日簡狄行浴見元鳥墮其卵 故於怪說尤篇信由是言之義當從毛而明允蘇氏 學者喜爲異說鄭學博而不知統又特喜識雜諸書 為天所命以元鳥至而生焉歐陽环叔云秦漢之間 詩傳云春分元鳥降簡狄派於郊縣而生契故本其 取否之因孕生契其說蓋因商頌元鳥之詩而附會 紀記 股

蘇明先嚳妃論商周有天下七八百年是其享天之 積元氣之英以生之又馬用此二不祥之物哉無墮 地走而避之且不暇忻然践之何姜嫄之不自愛也 人而有異於衆庶也吾以為天地必將儲陰陽之和 禄以能 人其社稷而其祖宗何如此之不祥也使聖 卵於前取而吞之簡狄其喪心乎巨人之跡隱然在 **왥九詳今載其交於左說並詳周后稷篇中 叉謂行洛山野而遇之是以簡狄姜嫄爲烂佚無法**

而鄭之銳又出於信遷矣故天下皆日聖人非人人 践之事當毛之時未始有還史也遷之說出於疑詩 介攸止載震載夙載生載育時惟后稷而言之吁此 姜嫄生民如何完膻克泚以弗無子履帝武敏歆攸 之意必以詩有天命鳦鳥降而生商厥初生民時惟 度之甚者帝嚳之如稷契之母不如是也雖然史遷 展之民履帝武爲從高幸之行及鄭之箋而後有否 叉遷求詩之過也毛公之傳詩也以鳦鳥降爲祀郊 一を之一 南考信録・一老さ 非惡大異也惡夫遷之以不祥誣聖人也棄之而牛 乎鄭莊公寤生驚姜氏姜氏惡之事固有然者也吾 其意不得泥其交若以元鳥降為吞卵則維散降神 羊避遷之而飛鳥覆吾豈惡之哉〇按說詩者當求 亦將謂之吞石以履帝武為踐跡則絕其祖武亦將 何以棄日稷之生也無菑無害或者姜嫄疑而棄之 不可及也甚矣遷之以不祥誣聖人也或日然則稷 為束縛其跡乎蘇氏之論得之矣故今不載吞卵之

相土烈烈海外有截時商 项 元王 桓 撥 受小 國 是 達 受 大 國 是 達 率 履 不 越 遂 視 旣 發 請 陶唐氏之火正閼伯居商丘祀大火而火紀時焉相土因 備覽○契卒子昭明立昭明卒子相土立本紀 相土 前唐堯篇中 事惟以稷契之母為譬妃則亦沿史記之誤說已詳 殷

南考信祭 之故商主大火左伸裹 曹国卒子冥立史記及 備覽〇相土卒子目若立目若卒子曹圍車邓国語立 備覽〇冥卒子振立振卒子微立本紀 備覽O歲卒子報丁立報丁卒于報乙立報乙卒子報 存祭〇冥勤其官而水死節 存祭〇上甲微能帥契者也静 丙立報丙卒子主壬立主壬卒子主癸立主癸卒子天 四

乙立是為成湯皮記 按商先世詩書多缺不可詳考寫以時世推之相土 遷枝者然但不可知其爲何世耳 遠疑上甲微以後亦嘗中微如不窋之竄戎太王之 諸侯無所歸而相土能修其德政故東方諸侯咸歸 之商邱在東而西北阻於羿界是以號令東訖於海 為契之孫當在夏太康世蓋因太康失國羿浞淫暴 而云海外有截也又相土居商邱而湯居亳相距絕

- Nic 1 - Nic 成場上 按尚書酒詩多方立政等篇皆稱為成陽無但稱 湯者蓋禹名也成湯號也古多以一字名未聞 以一字號者然則成場乃其本號揚則後世之省 **颈美故其稱參差不一武王者子孫追崇之稱即** 文也商頌殷武亦稱成湯元鳥稱武湯唯長發或 但稱湯或稱爲武王蓋史冊主於紀實詩人主於 後世諡法所自彷旣或省交為湯因以武加之爲

帝命不違至于湯齊湯降不通聖战日廢昭假遲遲上 祗 **用** 月 信 湯以七十里孟 湯之盤銘日苟日新日日新又日新 颈静 備覽〇自契至湯八遷湯始居毫從先王居作帝詩。 削 附論〇孟子曰湯武反之也 武湯耳春秋戰國以後率但稱湯稱成湯者鮮矣 今從本號稱爲成湯不敢從省亦致愼之義?也 孟 學大 帝是

ᆐ葛伯化餉逸 湯事葛五 備寬〇湯居毫與葛為鄉葛伯放而不配湯使人問之 股本 **盛也湯使亳衆往為之耕老弱饋食葛伯率其民要其** ĸ **之叉不以祀湯叉使人問之日何爲不祀日無以供粢** 以上乃暘修身立国之畧故錄之於篇首

雨考信録 而奪之孟 有酒食黍稻者奪之不授者殺之有童子以黍兩餉殺 牛羊戲可遺何難復與之以黍稻而葛民非少亦何 因而述之其大槪則不誣而其事之曲折則未必悉 葛伯仇餉之文而當時說尚書者傳其事如儿孟子 **皆有童子以黍肉餉父兄而為葛伯所殺是以書有** 至用毫象往耕且其交頗繁碎與詩書皆不類蓋毫 按此事殊瑣細不類夏商間事亦不類國君之所為 本本オー 南考店家 **随場一征自葛始整** 為其殺是童子而征之四海之內皆曰非富天下也爲匹 **憋不畏湯則是此時諸侯尚未歸於商也是以商廼** 按逸書以葛爲始征則是征葛在最前也葛小國而 於受共球之後記濁之伐韋顧昆吾夏而無葛葛之 亦未可知不敢盡據為實錄也故但列之備覽 如此支 云云 也或孟子但言其畧而門人累累記之 征蓋前此矣故次之於此

夫匹婦復讐也孟 善者皆在王官勉哉勉哉曰汝不能敬命予大罰殛之 存恭〇萬伯不祀湯使伐之湯日子有言人視水見形 視民知治不伊尹日明哉言能聽道乃進看國子民為 無有攸赦作湯征史記 壁古文所多十六篇中無遏征豈别有所本與要之 言殊失孟子之意至湯伊尹之言不知采於何書孔 按孟子交湯以仇餉征葛非以不祀征葛也史記此

終不例不柔敷政優優百祿是遒爱小共大共為下國駿厖 帝命式于九屆受小球大球為下國殺旒何天之休不競 何天之龍敷奏其勇不震不動不聽不煉百蘇是總詩商 按此文在有處乘鉞之前則是湯自征萬以後諸侯 篇後文所采揚誥之文可見奏故但列之存參 昆吾之伐以除暴安民故孟子云為天吏則可以伐 史記所采經傳之文往往有所貿易而失其與觀此 已陸續歸商也湯德已爲四方所歸然後乃有韋顧

莫達九有有截韋顧既伐昆吾夏桀等 武王載斾有虔秉鉞如火烈烈則莫我敢曷苞有三蘗莫遂 備覽○湯出見野張網四面祝曰自天下四方皆入吾 用命乃入吾網諸侯聞之曰湯德至矣及禽獸史記 網湯日嘻盡之矣乃去其三面祝日欲左左欲右右不 湯已非復人臣之度矣說詳見後伐夏條下 之非地聽德齊而專以兵力勝也然則未伐夏以前 按此文稱韋顧旣伐昆吾夏桀則是湯先伐韋顧次 不老之 詩商 殷

商考言聚 伐昆吾而桀之虐未甚其心亦不 恐伐夏速至韋 然後不得已乃伐夏耳然則未伐夏以前湯非復七 乃伐昆吾最後乃伐夏也盍湯之初國小其力不能 既滅而桀猶怙惡不悛視諸大國之亡藐不以介意 旣滅 地廣兵强己無敵於天下然後乃伐昆吾昆吾 史記云湯日吾甚武號為武王余投論語載湯言云 有罪不敢赦帝臣不被簡在帝心聖人之謙且愼如 **十里之侯服明矣說詳見後伐夏條下** 一人大はナー 1 鶶

錄中 征而無敵於天下東面而征西夷怨南面而征北 號之為武王周人因之以交武諡二王而其後子 臣以爲撥亂反正創業垂統功莫之及故追崇之 以前必無益而武王爲湯之自號也說詳見豐鎬 羣臣遂相沿以爲例耳不得泥大戴記之文遂謂 傳為周制而其實亦由漸而起成湯旣沒其子孫 是烏有自高其功為號以自標美者哉蓋諡法 1 3 % 雖 而 季 採 别 周 相

げかかを 篌 芸者不變誅其君弔其民如時雨降民大悅五 怨日奚爲後我民之望之若大旱之望雨也歸市者弗 我后后來其無罰意 備覽〇夏桀爲虐政淫荒而諸侯昆吾氏爲亂湯乃與 師率諸侯伊尹從湯湯自把鉞以伐昆吾遂伐桀史 和 說苑云湯欲伐桀伊尹曰清阻乏貢職以觀其動桀 怒起九夷之師以伐之伊尹日未可彼尚能起九夷 1,1,1

救之耳非有心於取天下也烏有姑試伐之以觀其 **光夷之師九夷之師不起伊尹曰可矣湯乃興師伐** 見當世之如此而遂自以其不肖之心度聖人而 里之內而夏民方引領以待偕亡九夷之師於緩急 而殘之余按聖人之伐暴以民困已極不得已往而 之師刀謝罪請服復入貢職明年又不供貢職集 何濟焉此乃戰國之時智取力爭者之所爲彼固習 可取與否者哉且九夷之去夏遠矣湯與桀近在千 起

命殛之今爾有衆汝日我后不恤我衆舍我穑事而割正夏 子惟聞汝衆言夏氏有罪子畏上帝不敢不正今汝其曰夏 罪其如台 夏王率遏衆力率割夏邑有衆率 总弗協日時口 王曰格爾象庶悉聽朕言非台小子敢行稱亂有夏多罪天 是說耳故今不錄而為之辨說並見豐鎬錄武王駕

之罰予其大資汝爾無不信朕不食言爾不從誓言予則孥

曷丧予及汝皆亡夏德若兹今朕必往爾尚輔子一人致天

数次 闷有攸赦 **惭覽〇樂敗於有娀之虛奔於鳴條夏師敗積湯遂伐** 附論○湯武革命順乎天而應乎人 附論〇齊宣王問日湯放桀武工伐斜有清孟子對日 不可作夏社女 於傳有之日臣弑其君可乎曰贼仁者謂之賊贼義者 **變件厥寶玉義伯仲伯作典寶湯既勝夏欲遷其壯** 乙殘殘賊之人謂之一 誓 書湯 記 殷 夫開誅 一夫科矣未聞弑君 和 傅

商考信録 也 子孟 德諸侯皆歸湯湯遂伐桀桀走鳴條遂放而死日吾 爭論湯武事云桀紂雖失道君也湯武雖聖臣也夫 **悔不殺湯於夏毫使至此儒林傳載黃生與轅固生** 史記夏本紀云桀召湯而囚之夏臺已而釋之湯修 主有失行臣不能正言匡過反因而誅之代立踐南 按為是說者皆惧以湯為桀之臣故爾而其實不然 面非弑而何由是後之儒者皆以征誅爲湯武病余

使桀果嘗囚湯商民安得日夏罪其如台乎湯誓日 湯誓日今爾其日夏罪其如台是桀固無如湯何也 使築猶為天下共主則當云割萬方豈得但云割夏 邑而已乎湯誓日今爾有衆女日我后不恤我衆舍 反但言含檣之細事乎商領日受小球大球為下 使桀與湯有君臣之分商民何故不以大義責之一 我穑事而割正夏是湯之伐桀民亦有竊議之者也 夏王率遏衆力率割夏邑是桀之政不行於諸侯也

於結安得晏然受之以桀之暴雖無罪猶囚之況发 諸侯之朝而安能容之哉商頌日韋顧既伐昆吾夏 **禁是湯未伐桀時已滅數大國矣若桀果爲天下共** 湯與桀之事固不如世所傳云云也蓋三代封建之 不問乃束手以待其伐已者乎由詩書之言觀之則 終流是湯未代禁時已受諸侯之朝覲矣若湯果臣 主湯安得擠城之桀旣力能囚湯豈有聽其坐大而 制與後世郡縣之法異而夏當家天下之始其事又

商考信錄 大卷之一

道則又歸之禹初未嘗傳之子也大康既失德則民 與商周不同昔者禹有聖德天下歸之敢能繼禹之 下之無主已數世矣少康能布其德以收夏衆然後 之親之衝壞夏之親朱均耳羿促选起后相遠逃天

為必然也孔甲飲衰諸侯復叛章顧見吾送起夏之 **記夏配天不失舊物當是時人以繼為適然非以變** 在天下若一大國然但一二小弱諸侯畏其威力耳

是以湯之受球受共伐章伐顧安然而無所疑祭亦

商考信錄一下卷七十 賢子間兩世而又得少康后杼之孫天下附於夏者 數世由是遂以傳于為常猶齊之伯僅一世而晉之 伯遂至於數世也然一姓之子孫必不能歷千百世 天下也故舜繼堯禹繼舜人以爲固然也適會禹有 召湯而囚之夏臺哉天下者天之天下也非一姓之 聽之而不復怪何者諸侯本不臣屬於桀也桀安能 而皆賢不賢則民受其殃必更歸於有德而後民安 而既已傳子又必不能復傳之賢則其勢必出於征

者亦之德也紆徐縈洄一寫千里者水所遭之勢也 之道猶水也清而不污柔而能受潤物而使遂其生 **之聖人而優劣之者誣聖人者也自戰國以後楊墨** 優劣之者誣水者也以征誅之聖人爲有異於揖襲 故也以一 寫千里之水為有異於紆徐榮洄之水 而 水非有心於紆徐繁洄與一瀉千里也水不能違地 誅而後可战揖讓之不能不變而爲征誅者天也聖 八之所不能達也雖堯舜當之亦若是而已矣聖人

自張大其說一變而 **武於黃老再變而流爲名法是** 以史記自叙六術之中有墨而無楊何者黄老名法 發制人為强故謂承當殺益大甲當殺伊尹以保其 **並起而楊氏之言尤橫常非堯舜薄湯武毀孔子以** 即楊氏也習黃老者務以清淨無事為貴故以堯舜 為慢民以湯武為斌君習名法者務以苛刻除忍先 國桀嘗釋湯於夏臺紂嘗釋交王於羑里而卒亡其 身其意惟欲人主之果於殺戮耳豈顧其事之虛實 Trues 1 1 生

成書故其中多載異端之說然觀轅固生之與黃生 **哉司馬談受道論於黃公兼通名法之學遷踵之而** 伐之事是以後此學者莫敢昌言明湯武之爱命耳 爭論則漢初儒者猶不惑於楊墨但以景帝諱言放 之論者然良可嘆也日然則齊宣何以謂之臣弑 之偽訾征誅之與而曲學阿世之徒從而和之相 語詳史記 既外習爲固然雖儒者亦不敢駁其慘反若爲不 儒林傅 逮至魏晉以後狐媚相仍遂公然借禪 沿 譲

者亦但就天子諸侯之名分言之非以爲食其祿而 故不得謂之共主非謂湯武親立桀科之朝而其君 治其事之君臣

也故孟子

日殘賊

之人謂之

一夫聞 士大夫曾有一人之為是言者乎然其所謂君臣云 君也日濟宣之問亦,為楊氏邪說所惧春秋傳中賢 以仁暴大義斷之而未暇詳申其說耳後儒惑於異 不仁遂可不謂之君也但孟子之意在於警人主故

一商考信錄 備覽○諸侯心服湯乃踐天子位平定海內湯歸至於 孟無是言也此無他不學而已矣故今不載夏臺之 君臣之義不知湯武之秋君其說乃出於楊朱而孔 矣嗟夫,世之陋儒斥楊墨爲異端而薄湯武以爲虧 爭而於科黃生之謬說並詳後交王武王篇中 端先入之言不察其實遂疑孟子之言不可為訓誤 卷之一

泰卷胸中關作語史 偽古文尚書有仲虺之誥乃掇拾經傳之文而桑 與皓體不相似也尤可笑者隨季所引止取亂侮亡 四字子皮所引止亂者取之亡者侮之八字即前 已意聯屬成篇者淺弱排比絕不類夏商間語不 而云兼弱攻脉取亂侮亡推亡固存重複堆砌不成 而有詳畧耳其兼弱攻昧乃隨季自述武經之語 亡固存乃子皮自告大夫之言今乃悉取以入篇 殷

市者作的 位三讓三千諸侯莫敢即位然後湯即天子之位,特 存条〇湯放樂而歸于亳三千諸侯大會湯從諸侯之 夏伐桀克之以讓卞騎下隨乃自投於類水而死又 **文理亦足以見其窘於詞而窮於奏矣故今不采其** 吕氏春秋云湯將伐桀因卞隨而謀卞隨日非吾事 **文其篇首所稱惟有慙德者亦非是說見後篇吳公** 也又因務光而謀務光日非吾事也湯遂與伊尹謀 子札 條下 一を七十 大停

言雖淺近要其大概當如是若吕氏春秋所云乃楊 禹者同大傳亦稱湯會三千諸侯三讓莫敢即位其 之天下非陽所得私也豈容私讓之一二人故史記 謀於國之卿大夫則有之必不謀之隱士天下者天 **讓於務光務光乃頁石而沉於夢水余按場之伐夏** 亦假設言之而後世之人稱隱士者遂以隨光爲首 氏為黃老說者之所偽撰以非楊武者其二人姓名 云諸侯心服湯乃踐天子位正與朝覲訟獻之歸舜

				一尚考信錄
		氏春秋さ	謬矣故今載史記語并取大傳之文刪而存之而昌	弱 一个生
		こ言削さ	載史記	で 之 ー
		不錄	語并取	
			大傳之	
			交删而	大
			存之而	

帝臣不忍簡在帝心朕躬有罪無以萬方萬方有罪罪在朕 到日子小子廢敢用元**吐敢昭告於皇皇后帝有罪**不敢教 福温 羗 蓋聖人之伐國非以辟土地創大業也聖人之用賢 按此文與湯誓立政相表裏非聖人不能為此言也 非以示已思希厚報也凡皆奉天以行事耳聖人無 放場下 所客心於其問也且其人日帝臣明不敢私以爲已 外两件王附

商考信錄 一次卷之一 之所以繼堯舜而得列於聞知者也此章前載堯之 士從吾遊者吾能尊顯之其市恩之念固不足以相 心一天也聖人之心之光明一日月也漢高帝云賢 臣也舉而用之謂之不蔽明此虧祿乃賢人所固有 之大小心體之廣狹亦豈可以同日語哉嗚呼此湯 已但不沮抑之非分已所有以于之也其於所舉之 力偽尚書伊訓云敷求哲人俾輔於爾後嗣其氣量 人猫如是沉天下之民天下之土地乎然則聖人之 芤 商考言除 N 巻と一 補商湯有景毫之命 公四年 備覽○既絀夏命還亳作湯語維三月王自至於東郊 命詞與失聖人之意後載周之新政雖無可疑然亦 語中玩其詞意似克夏後而告天者故置之於此 學者即是求之庶聖人之心猶可見其萬一云〇此 此必當日史臣實錄故今獨取此交以補詩書之缺 不若此文純粹蓋由所采之書不一 斯其文亦不均 文據孔注以爲伐桀告天之詞而僞古文尚書在湯

勉目不道毋之在國女毋我怨以令諸侯女記殷 告諸侯羣后毋不有功於民勤力廼事子乃大罰殛女 東為江北為濟西為河南為淮四瀆已修萬民乃有居 毋予怨日古禹皋陶久勞於外其有功乎民民乃有安 **光與其大夫作亂百姓帝乃弗子有狀先王言不可不** 后稷降播農殖百穀三公咸有功於民故后有立昔峀 阜陶謨之屬皆全錄其文其餘或僅載其畧或但記 按史記所載尚書諸篇凡夕文所有者岩堯典禹貢

古文有者惟此篇頗載其畧而語亦似父醇古其餘 篇分文 則安國但以已愈揣度讀之不能無關誤故 篇分文幸有今文書存可以参證而得之至二十四 **赤有錄者竊疑科牛書廢已久時不能識其二十八** 其由雖小有異同而大意不失若今支所無獨 是以儒者多不傳也然與劉焯所傳古文尚書湯誥 則此十六卷四篇一不待王莽之亂固已非全書矣 史記漢書並言得多十餘篇而不言其文之可讀然

| 俊克即俊嚴惟丕式克用三宅三俊其在商邑用協於厥邑 其在四方用不式見德書立 亦越成湯陟丕釐上帝之耿命乃用三有宅克即宅日三有 商考信錄 一个老之一 伊尹相渴以王於天下る 安國不待言矣 之交無一語相同者則被為後人所偽撰而不出於 終言之故次之於此 技此文言陟耿命又言四方丕式見德蓋統場之始

仲虺 宇通用 備覽〇伊尹作咸有一德咎單作明居史記 附論〇孟子日붱執中立賢無方孟 有天下之後故因三宅三俊之文並次之於此 時勢不同也禹承二帝之治百僚皆得其人十年而 按三王皆以進賢為務而孟子獨以無方稱湯者其 按伊尹之爲相與湯相始終仲虺之對薛亦當在湯 崩無大變革周則世有哲王賢多出於親舊且其得 中間 居薛以爲湯左相公元年 殼

商考信到 卷之一 伐暴則雖有賢而無所用不舉賢則伐暴亦徒然而 告天之詞日有罪不敢赦帝臣不被簡在帝心蓋不 搜嚴穴惟日不足而用人多不次其時勢然也故湯 十里承夏失政之後賢人失職者多驟滅諸大國而 起如伯夷太公者要之為數無多若湯則崛起於七 已然則宅俊之用與夏昆吾之伐正相表裏不分輕 天下緩則其舉直錯枉亦當以漸即有一二遺佚緊 天下溪后之民非悉擇人以安輯之不可是以廣

吉有成場自彼氐羗莫敢不來享莫敢不來王日商是常時 **重故場生平所汲汲者惟此二事為要而孟子亦專** 世傳湯時大旱太史占之日當以人禱湯遂齋戒剪 以是歸於湯也故今於伐夏事畢之後悉次以場得 髮斷爪素車白馬身嬰白茅以爲犧牲禱于桑林之 人之事 野以六事自責日政不節與民失職與宫室崇與女

商考信錄 宋南軒張氏明九我李氏皆辨其醪今載於左 李九我日大旱而以人禱必無之理也聞有殺不 遺體哉此野史谬談不可信者也 且人禱之占理所不通聖人豈信其說而毀傷父母 張南軒日史載成湯禱雨乃有剪髮斷爪身爲犧牲 謁盛與苞苴行與讒夫昌與言未巳大雨乃數千里 此其爲民籲天之誠自能格天致雨何必如史所公 之說夫以湯之聖當極早之時反躬自責疇於林野 老之一

信揚一 機開後世用人 祭祀之原乎天不信湯平日之誠而 如人哉祝史設有是詞獨不知以理裁而乃以身 **畜不相為用用人以礼惟見於朱襄楚靈二君湯何** 而致常賜之咎者矣未有早而可以人禱也古者亡 以自責之交使後世人主一遇水旱危粉紛於史巫 則斯言作俑矣 余按公羊桓五年傳云大雩者早祭也註云君親之 一日之祝陽不能感天以自修之實而徒感天

百才 信多 崇與婦渴盛與苞苴行與讒夫倡與 辦 一 使重 責乃古等祭常禮非以爲湯事也僖三十一年傳云 身爲犧者哉且雩祭天禱雨也三 望然山川 也本鄉 傳日湯時大旱使人禱于山川是也然則是湯但使 男女各八人舞而呼雩故謂之雩然則是以六事自 南郊以六事謝過自責日政不一與民失職與宫室 人稿于山川初未曾身稿而以六事自責也況有以 三堂者何望祭也然則曷祭祭泰山河海註云韓詩 ええて 商考信錄 人卷之一 相涉者不識傳者何以誤合為一而復增以身為蟻 然為兩事雖今詩傳已亡然觀注文所引亦似絕不 或云薨有.九年之水湯有七年之早或云堯時十年 之事以所,會之也張李二子之辨當矣又按諸子書 早何以經傳絕無言者薨之水不始於薨乃自古以 水積漸氾濫之水至堯而後平耳湯之德至矣何以 九水湯時八年七早堯之水見於經傳者多矣湯之 大旱至於七年董丁云陽之旱乃桀之餘虐也紂之

猶有慙德聖人之難也二十九年 附論〇吳公子札來聘見舞部獲者日聖人之宏也而 **檨乃不在情理之尤者乎故今併不錄** 慙德杜氏註云慙於始代撰偽尚書者因之遂云战 湯放來於南巢惟有慙德日予恐來世以台爲口實 反大旱哉。然則湯之大旱且未必其有無况以身為 餘岸當亦不減於桀周克殷而年豐何以湯克夏而 余按象統南籥文王樂也而季札云美哉猶有憾

示必以食夏故疾所慙所憾盡皆自樂論之後世古 武武王樂也而季札云美哉周之盛也其若此乎文 事皆奉天而行者也故必審度再四無毫髮之疑然 **築亡而不可考耳不得以揣度之詞勵之也聖人舉** 王不伐齊而反婚之武王伐商而反不憾然則慙德 後敢為之伐夏果有未安聖人必不輕舉果無未安 何容既伐之後後有慙德故論語記湯之言曰有罪 不敢赦赦之既不敢矣伐之及何慙焉若赦之不可

商北信祭一人卷之一 桀之朝故爾而不知其未當有是事也然自異勒言 伐之又不可是無一途可免於罪戻也天下有是理 果有此意湯亦必不客有此言也說已詳前代夏條 **采其交归入尚書而人遂無復敢議之而鳥知夫獎** 之人有多疑之者註輕者采之而人遂往往信之至 **溼之反本於注注反本於異端之說哉且即使季札** 乎蓋凡為是說者皆為楊氏邪說所誤以為湯嘗立

南卷上声家——一一一一一 存祭〇宋公享晉侯於楚邱靖以桑林有醫解荀偃士 去旌卒享而還左傳要 林享君不亦可乎舞師題以姓夏晉侯懼而退入於房 **匈日諸侯朱齊於是觀禮喬有辭樂賓祭用之宋以桑** 附論〇孟子曰由湯至於文王五百有餘歲若伊尹萊 與抑有兩樂與站存之以參考 按杜註云桑林殷天子之樂名則是湯之樂也湯樂 名部漢叉名大漢此何以稱桑林豈一樂而兩其名 老

補湯崩太丁未立外丙二年仲壬四年黃 尹廼立太丁之子太甲太甲成湯過長孫也史記殷 郎位三當作年崩立外丙之弟仲壬仲壬即位四年崩伊 湯崩太子太丁未立而卒於是廼立太丁之弟外丙外丙 朱則見而知之岩亥王則聞而知之子 太甲元年伊尹作伊訓之文遂謂湯没之歲即大甲 詞者至偽孔傳及唐孔氏正義因書序有成邊既沒 外丙仲壬二王自孟子史記速帝王世紀皆同無異 , NO 17

上野ととて記る 是矣然偽孔傳所言亦初非書序意何者序言成湯 敢非之反疑孟子所言與本紀所載是可數也其論 之元年並無外丙仲壬兩代由是唐朱諸儒皆叛孟 子而信其說蔡傳駁之云儒者以序為孔子 所作不 既没但為太甲失教伊尹作書張本非謂必沒於作 舜既没聖人之道衰暴君代作神農沒之年黃帝 書之年也傳云神農氏没黃帝是舜氏作孟子云堯 猶未作何況堯舜堯舜之後尚有禹啟何得遂云暴 一一大学 Ę 固

百月有多 志乎遂以此為太甲繼湯之據誤矣乃元明以來編 外两仲壬雨代因復論之如左 君代作也古人於文不過大概言之烏得以詞害其 程子云古人謂歲爲年湯崩時外丙方二歲仲壬方 古史者囚程邵皆從偽傳之故遂以蔡傳爲醪而削 言生以别之春秋傳云逆周子於京師而立之主-然余按八君在位稱幾年常事也若其生之年則必 四歲惟太甲稍長故立之也東濟陳氏深以此說為 ララス

商者信敬-- 一門をとこ 穀不德生十年而丧先君未有徒言年而不言生者 戊申無外丙仲壬於是東齊陳氏雙湖者胡氏並據 交當先言仲壬何以先弟而後兄乎 此以立說以爲堯夫精於數學必能推知帝王世數 **邵堯夫皇極經世書譜帝王世次湯起乙未太甲起** 四年矣又云盈生五年而武子卒而楚共王亦云不 無可疑者余按天下之事有可以思而得者有必待 且外丙生二年仲壬生四年則仲壬長於外丙矣於 ź

禮吾能言之朱不足徵也交獻不足故也故其作春 前人傳記以為說既相傳以爲然因亦以爲然而未 之名與世哉孔子曰夏禮吾能言之杞不足徵也殷 以數知之將堯夫更聖於孔子乎孟子生於戰國之 秋也有不知則缺之孔子不能以數知之而堯夫能 而後知者也堯夫安能以數而知三千年以前帝王 學而後知者理可以思而得者也事物名數必待學 初典籍猶存其言必本之於古史堯夫之書不過據

有野苔菜 真知確見者也漢胜孟知當有匹夫為天子者矣而 言乎且凡術數之學可以得其彷彿而已從未有能 **暇考耳豈果以數知之而乃據宋人之書疑孟子之** 非道晏駕又知江州當出天子矣而以爲義康當之 不知其應乃在宣帝宋孔熙先知文帝以骨肉相殘 不知其應乃在元凶劭與孝武此其術皆不可謂不 者之所不道奈何欲以此折哀經傳之是非乎嗟夫 工然卒不能得其實而反以殺身是以術數之學儒 をシー 手

其窮之瞽者以生辰推入嗣福有不合則日必爾時 誤也移以爲某時則合矣二子之信經世書而疑孟 不求之經傳而求之數此東方朔上天之說也惡乎 胡氏大紀云二帝官天下定於與賢三王家天下定 於立嫡立嫡者敬宗也尊祖也成陽伊尹以元聖之 子也母刀類是 爭奪之端乎公儀仲子舍孫而立子言偃問日體與 德戮力劍業乃会嫡孫而立諸子亂倫壞制歸後世

於天初不傳取豈惟未當定於立嫡抑且未當定於 傳賢也大康失道羿浞迭起天下之亂由於異姓之| 立子立嫡之所由來非定也乃漸也蓋上古之時天 姓也敢之繼禹偶然者耳以德而繼雖傳子猶之乎 子本不相繼至唐奧而後相繼然惟其德不惟其一 義理知其非也南氏綱目前編遂遵其說以紀商年 而世亦多信之余按三王惟禹在湯之前而馬薦益 孔子曰否立孫孔子殷人也而不以立弟為是此以

商者信録・一人をと 思移於同姓於是遠慮之主復以嫡長相繼爲常然 後同姓之覬覦息是故一姓之傳非馬爲之羿促爲 覬觎息然雖蘄於一姓仍惟其德不惟其嫡與庶弟 是言之由傳賢而爲傳子由傳子而爲傳嫡皆斯 **夫誰定於立嫡而乃以責腸之遵守是猶責史籀李** 與子也及商中葉兄弟爭立亂至數世昔日異姓之 之也嫡長之立亦非禹湯為之商之中葉為之也由 爭是以少康中與遂以一姓相繼為常然後異姓之

阿片言家 者也記云交王舍伯夷考而立武王微子舍扶採腯 孫者自謂仲子當然耳古今不同時勢各異非謂古 事乎當湯之没天下之定未久此非少主所能臨 聖賢皆當立孫也胡氏據此遂謂湯必無立外丙之 而立衍然則嫡孫之立當在成康以後孔子所謂立 事然則交王亦無立武王之事微子亦無立微仲之 可笑也哉然所謂立嫡者特立于耳尚未聞有立孫 斯之不能為楷而笑陶潛鮑昭之不能為律也豈不 1/ ジュンー Ē

藉令二王得永其世伊尹可以無桐宫之事矣為伊 宗社以靖天下也是故太甲之放伊尹所不得已也 幾至於亂况太甲本非令主立之必至顯覆湯之典 放君與立無孰為輕重胡氏不怪放君之為亂倫樂 尹者必立嫡而放之乎抑立無而事之之為愈也況 刑寧坐視天下之亂宗社之墟乎抑將立庶子以安 明矣武王之疾周公請以身代慮成王之不能安天 下也幸而武王又數年而始崩然成王之立天下猶 1 4 7 7

月月有多

其必勝於立弟與立庶也秦成公之立穆公周明帝 皆庶也然卒興其國家而晉武帝之不肯易嫡周武 之立武帝皆弟也韓獻子之立起趙簡子之立毋恤 制而獨怪立庶之為亂倫壞制乎且嫡長之立亦見 帝之不肯廢其子賛唐太宗之不立庶子吳王恪齊 武帝之不廢太孫而立庶子子良皆可謂不亂倫壞 非盡善也顧斬於立嫡者非以是為義也賢否無形 制然其後竟以致亂或遂亡國是故立賢上也立嫡

商考信錄 之的也經傳者聖人之案也故求義必於聖人求聖 於名教也況商周以前淳樸之世哉嗟夫聖人者義 而嫡庶易見斯於立賢則必至於立愛故無寧立嫡 無忌憚者皆將挾其私見以懸斷帝王之事而致失 **之為可常耳非謂遭人倫之變者少易之而即得罪** 聖人之眞也故不可以不好 孟子之說二王之有無不足計吾恐此說行而世之 人必於經傳今胡氏乃自以其臆見斷湯之事而糾 || 老之一

成湯既受命時則有若伊尹格于皇天時君 南考信錄一人卷之一 是以樂堯舜之道哉孟 也蘇之以天下弗顧也緊馬千駟弗視也非其義也非其 囂囂然日我何以湯之聘幣為哉我豈若處昳畝之中由 道也一介不以與人一介不以取諸人湯使人以幣聘之 伊尹科於有幸之野而樂堯舜之道焉非其義也非其道 附論○萬章問日人有言伊尹以割烹要湯有諸孟子 伊尹

者乎聖人之行不同也或遠或近或去或不去歸潔其 身而已矣上 曰否不然吾未聞枉已而正人者也况辱已以正天下 之遇湯當在中年以為七十謬矣至於短黑傻身云 年七十而不遇湯聞其質設朝禮而見之馬後漢書 帝王世紀云伊擊豐下銳上色黑而短僂身而下聲 余按伊尹相湯以王天下其在湯朝必歷有年所其 後又相外丙仲壬太甲沃丁不下數十餘年則伊尹

也被先知覺後知使先覺覺後覺也予天民之先覺者也 民乃堯舜之民哉吾豈若於吾身親見之哉天之生此民 **祭堯绅之道吾豈若使是君爲堯舜之君哉吾豈若使是 湯三使往聘之旣而幡然攺日與我處畎畝之中由是以** 予將以斯道覺斯民也非予覺之而誰也思天下之民匹 以天下之重如此故就場而說之以伐夏救民上 **大匹婦有不被堯舜之澤者若已推而內之衛中其自任** 者亦皆戰國策士抑揚之詞非實事故不錄

伊尹日何事非君何使非民治亦進亂亦進同 遇女媳女房作女媳女房史記 備覽○伊尹去煬適夏旣醜有夏復歸於亳入自北門 附論〇孟子曰伊尹聖之任者也同 故去商而欲輔桀之事即就桀矣桀之暴戾不可化 道滁以天下弗顧陽以幣聘猶不肯往必無一旦無 以為伊尹罪余按孟子辨伊尹 要揚事稱其非義非 孟子書中有伊尹五就湯五就桀之語論者因之或 殷

有考言派 一巻と一 然皆未可知惜乎女鳩女房之篇已亡其事不可詳 載書序復有聰夏歸亳之事然則伊尹固當適夏或 士多喜妄談古人既流俗相傳有至夏之事遂從而 考要之五就湯五就桀則必無之事也戰國游說之 已足矣五何為焉孟子稱伊尹言何事非君而史記 海伊尹豈不見之即由亳而適夏復由夏而歸亳一 仕於桀或未嘗仕於桀或如孟子在梁爲齊客卿者 甚其詞以爲五就桀耳且伊尹初就者湯也若果五

令尹見於傳後讓令尹於子玉見於傳其間何時已 色然以傳文考之初未嘗有此事子文初代子元爲 就湯五就桀則當終於夏何由復王商其非實事亦 張言云令尹子交三仕爲令尹無喜色三已之無慍 巳明矣大抵相傳之言往往過甚其詞論語中記子 之何時再任何時再已何時三任何以傳無一言及 人何以獨不見於傳且子交之不爲令尹乃自欲授 之楚自成王以後令尹無不見於傳者代子交者何

之世列国執政之人從未有忽廢忽用者非若後世 政於子玉初未有人已之然則其事爲無徵矣春秋 家以紓國難故相傳以爲無喜色也其後授政子玉 此亦莫須有之事矣蓋子交之初爲令尹也自毀其 **之爲令尹始終皆在楚成之世子交忠於楚者楚子** 之以罷相復相爲常事也子文何以獨有此事子文 何故已之後又何故用之揆之事理亦殊乖刺然則 **靶無戀位之心故相傳以為無愠色也相傳日及而** /wex 1.1.

甚其詞故遂以爲三仕三己而無喜愠焉耳竊意伊 章乃專辨伊尹事必得其實學者當取信於彼不必 前十篇中猶不免有之況孟子書中乎此章乃辨淳 者但取其大意如是原不保無一二語之失實論語 江心蓋聖賢言之聖賢初未嘗自書之後人記其言 之入於孟子言中耳正如汝淮泗皆入海而以為入 尹之事亦當類此記孟子者習於流俗所傳因娱采 于髠言道之不同偶及伊尹非其意所專注若要湯 1 商考信妹 老之一 之民大党孟 以此為疑也故今不載孟子此文 以此為疑也故今不載孟子此文 **随伊尹日子不狎于不順放太甲于桐民大悅太甲賢又反** 附論〇公孫丑曰賢者之為人臣也其君不賢則固可 放與孟子日有伊尹之志則可無伊尹之志則篡也 偽古文尚書伊尹之書凡五篇日伊訓日太甲三篇 日咸有一德然其文義率多淺易交勢頗雜排偶非 同

備覧〇沃丁之時伊尹卒既葬伊尹於亳咎軍遂訓伊 者然其為魏晉後人之所擬作無疑且伊訓與漢書 **今乃以爲太甲時伊尹歸政之後故今皆不錄** 所引之交不同太甲三篇據史記乃褒太甲之書而 **今乃戒太甲之語咸有一德據史記乃作於揚世而** 如味爽 言佳論而皆掇拾經傳之交及經傳所引逸書之語 惟不類夏商間語亦并不類泰漢時文其中雖有名 **掌**猶 不製及天 而聯綴以成篇者正如集腋為裘

南野三米 尹事作沃丁女肥 伊尹湯倚而取平故以為官名是以伊尹阿衡為 史記殷世家云伊尹名阿衝鄭康成云何倚衝平也 尹作書云云叉日昔先正保衛作我先王一夫不獲 按書云成湯既受命時則有若伊尹格于皇天在太 則日時子之辜皆以伊尹之事為阿衡保衡之事余 人也偽古交尚書因之遂曰惟嗣王不惠于阿衡伊 甲時則有若保衡則是伊尹保衡為二人明甚安有 きし

アライ会 有震且業即太甲居桐宮事也但言阿衛之輔太甲 變其稱謂以為奇乎謂保衡即伊尹亦可謂巫賢即 同是一人而兩舉之一則屬之成陽一則屬之太甲 為保衡阿衡者何由而知保衡阿衡之必為伊尹 相之卒無恐色孟子書記伊尹事九多皆無有稱之 士實維阿衙實左右商王夫日中葉即太甲世也日 巫咸乎詩曰昔在中葉有震且業允也天子降于卿 耳初未當見有輔成湯之事也傳曰伊尹放太甲而 アルイス

阿号言家 當為人名矣古者有師有傅有阿有保傳記所載未 官名也爽召公名也春秋傳中所載史佚下偃脫蛇 師曠之屬尤多不可悉數然則阿保當為官名而衝 炎師官名也尚父太公字也書曰保奭其汝克敬 衙或稱保衡耳若以二字皆為官名則一官旣不應 哉考古稱謂之例多以官名冠人名者詩日稚師 兩稱兩官又不必俱以衛名而又皆使伊尹兼之其 1 1 X1X F

下方人分 於伊尹篇中 以堯舜爲一八而唐人之以班固與班孟堅爲兩人 吾又安敢附和之而概以為一人乎然王良伯樂國 語明明一人者後世又分為兩人復何怪夫朱人之 也是皆可為之一樣也故今保衙阿銜之文俱不載 則旱陶之與庭堅伊尹之與保衛其兩舉於經傳者 之與南宫敬叔明明為兩人也而後世皆以為一人 不然審矣嗟夫伏羲之與太皡神農之與炎帝南容